

Himpunan bantah hina nabi di UTHM

BATU PAHAT 30 Sept. - Warga Universiti Tun Hussein Onn Malaysia (UTHM) berhimpun membantah penerbitan filem *Innocent of Muslims* yang menghina Nabi Muhammad SAW di padang kawad universiti itu, di sini semalam.

Perhimpunan secara aman itu disertai 3,000 pelajar, Persatuan Penyarah dan Pengajar UTHM (Perkasa), Persatuan Pentadbir dan Iktisas UTHM (Pentas) serta Kesatuan Kakitangan Sokongan UTHM (Kekas).

Dalam perhimpunan itu, memorandum bantahan berhubung penerbitan filem tersebut diserahkan kepada Pendaftar UTHM, Sulam Hamid yang mewakili Naib Canselor, Prof. Datuk Dr. Mohd. Noh Dalimin.

Yang Dipertua Majlis Perwakilan Pelajar (MPP UTHM), Hafiz Ariffin berkata, memorandum tersebut meminta pihak universiti menyatakan pendirian secara tegas dan ilmiah dalam membantah penerbitan filem yang menghina umat Islam itu.

"Seperti yang dilihat hari ini, warga UTHM daripada pelbagai kaum dan agama turut sama dalam perhimpunan ini. Dalam masa sama, kita tidak mahu umat Islam



SEBAHAGIAN daripada warga UTHM mengadakan perhimpunan aman membantah penerbitan filem *Innocent of Muslims* di Batu Pahat, Johor, semalam.

membuat serangan balas dengan tindakan melampau kerana ini hanya akan memburukkan lagi pandangan terhadap Islam.

"Warga universiti juga bertang-

gungjawab mempertahankan kesucian agama Islam yang cuba dipersendakan. Perbuatan menghina mana-mana agama juga tidak boleh diterima sebaliknya kita mesti

menghormati antara satu sama lain," katanya ketika ditemui semasa perhimpunan aman itu.

Beliau berkata, kerajaan Amerika Syarikat perlu tegas dalam mengam-

bil tindakan berhubung penyiaran filem itu dan bertanggungjawab ke atas isu yang menimbulkan kemarahan umat Islam di seluruh dunia tersebut.